

中興禮書

中興禮書第二百四十九卷

凶禮十四

欽宗恭文順德仁孝皇帝

小祥大祥禫祭

以日易月

紹興三十一年五月二十五日太常寺言今來孝慈淵聖皇帝升遐已降指揮喪服以日易月所有小祥大祥前祭日依禮經各有祭告之禮遇前項日皇帝親行祭奠之禮並如成服之儀今來合至六月五日小祥十七日大祥十九日禫祭其合行排辦事件欲乞並依成服體例閱報所屬排辦詔依

二十九日禮部太常寺言六月五日孝慈淵聖皇帝小祥所有前導太常卿太常博士各一員依例係太常少

卿博士充攝讀祝文官一員乞於史官內差小祥日依禮例百司作休務假一日其大祥禫祭欲乞依此施行詔依

同日權禮部侍郎金安節等言今來孝慈淵聖皇帝升遐六月十七日大祥十九日禫祭其大祥祭畢文武官依典故合服素紗軟脚幞頭駢布公服白鞋錫帶昨歲宗皇帝升遐令平江府除幞頭製造外其駢布公服并錫帶止支布一匹半自行包裹製造所有今來合府官并應奉官三省樞密院書令史以上及御史臺閣門太常寺贊引人合用幞頭乞依例令臨安府製造給散其駢布公服錫帶止令本府各支布一匹半自令包裹製造候大祥日行禮奉慰訖出和寧門易服詔依

奏訖俛伏興退復位簾捲前導官導皇帝出帷詣殿下
褥位西向立太常卿奏請拜皇帝再拜舉哭在位官皆
再拜哭前導官導皇帝升殿詣几筵香案前太常卿奏
請上香再上香三上香跪內侍進茶酒太常卿奏請皇
帝酌茶三奠酒俛伏興又奏請皇帝少立俟讀祝文官
讀祝文訖奏請皇帝哭盡哀在位官皆哭奏請拜皇帝
再拜在位官皆再拜訖前導官導皇帝降階詣殿下褥
位西向立奏請拜皇帝再拜在位官皆再拜訖前導官
導皇帝還帷簾降禮直官太常博士引太常卿詣帷前
俛伏跪奏禮畢俛伏興退百官移班稍東帷前班首出
班致詞復位再拜奉慰次移班於几筵殿門外進名再
拜奉慰皇后

大祥禫除行

奉慰皇后

此禮

皇帝還內易小祥之服

大祥

行祀半皇帝新衣服服禫服禫服行祀畢釋
禫服還內百官釋禫服常服黑帶去魚進

百日

紹興三十一年八月十三日禮部太常寺言孝慈淵聖
皇帝百日尋會到太史局申九月四日係百日今乞比
附故例是皇帝不御殿於几筵殿行燒香禮如宮中之
儀畢次率執朔望入臨官詣几筵殿入臨次赴文德殿
門外進名奉慰次進名奉慰皇后訖退作休務假并行
在禁屠宰三日諸路禁屠宰一日詔依

釋服

紹興三十一年五月二十三日權禮部侍郎金安節等
言今來考孝慈淵聖皇帝升遐令具合行事件一如將
來皇帝聽政祥禫群臣更不易服至禫服畢文武百官

有繫金玉帶及佩魚者並易以黑帶仍去魚其乘花繡
羈絨座者並易以皂羈俟祔廟畢別行申請 一依永
祐陵故事皇帝釋跨服服常服群臣如之宗室出則常
服居則衰麻以終喪今來宗室合隨羣臣釋服外仍各
合依服屬終喪 一依故例宗室婚嫁各依服屬終喪
日許令婚嫁 一依故例民庶服制三日而除應婚嫁
服除外不禁惟不許用樂華飭百日依舊詔依
三十年閏二月二日禮部太常寺言今來恭文順德仁
孝皇帝神主於閏二月十一日祔廟畢依禮例文武百
官並合純吉服所有禁衛等欲比附百官體例亦並純
吉服外其執打從物等候拜表奏詣皇帝純吉服降批
答允日其從物等亦合純吉詔依

十九日宰臣陳康伯等言臣等率文武百僚三上表奏請皇帝純吉服伏奉批答所請宜允據太史局選到令有司供進吉服宜用閏二月二十一日戊子吉詔依

聽政

紹興三十一年五月二十三日權禮部侍郎金安節等言今來孝慈淵聖皇帝升遐依故例百官自不入臨日皇帝未聽政以前百官詣萬安宮門外進名起居今欲乞依上件典故於文德殿門外進名起居候皇帝聽政日如常儀詔依

二十七日太常寺言所有拜表及拜批答若值雨及泥溽其應合赴立班官並入詣北宮門裏祥曦殿以北東廊上及宮門至几筵殿門外絞縛屋下隨宜立班如以

後不測值兩欲乞依此詔依

同日宰臣陳康伯等率百官詣几筵殿門外拜表請皇

帝聽政

二月十八日所祀各不充自是三日表王六
月一日祀各所請宜充至四日皇帝聽政

御殿

紹興三十一年五月二十三日權禮部侍郎金安節等
言今未孝慈淵聖皇帝升遐昨紹興七年故例檢會永
昭陵故事禮院奏朔望不御前後殿至祔廟如故從之
今欲乞自釋服後至祔廟日前遇朔望依故事不御前
後殿百僚于常御殿門外進名奉慰今欲依上件典故
于文德殿進名奉慰詔依

二十七日禮部閣門太常寺國信所言准都省批送下
閣門申今月二十七日金國賀上辰人使紫宸殿朝辭

授書係孝慈淵聖皇帝升遐掛服日分之內其使人朝
辭日所有皇帝御殿禮儀等下太常寺疾速討論施行
今討論今月二十七日使人朝辭是日皇帝係在服制
之內兼未曾奏請御殿聽政其日皇帝服斬衰服就後
殿東廊取中以三間今儀鸞司絞設素幄釘出倚簷今
修內司接出街頭并修築慢道如值雨西廊引使人朝
辭由南廊引赴素幄授書欲入出射殿經由殿後西廊
放班門赴朝辭位其挂賜衣帶內鞍馬等免入其朝辭
殿內茶酒已有御筵依正旦例免賜前一日欲乞應奉
官司等赴設幄處習儀其設素幄去處并出入門戶數
奏取旨施行詔令出入後殿門餘依

六月八日宰臣陳康伯等率百官詣几筵殿門外拜表

請皇帝御正殿

十一日內降批答不允自是十三日批答所請宜允

十七日宰臣陳康等伯言臣等近率群臣三上表奏請皇帝御殿伏奉批答宜允依故事合行擇日據太史局選致御殿宜用六月二十三日甲子言詔依

同日禮部太常寺言已降指揮六月二十三日皇帝御殿所有御殿禮儀班次乞指揮施行詔令閣門御史臺太常寺同共討論聞奏

二十一日御史臺閣門太常寺言擬定到皇帝御正殿節次其日皇帝服皂幘頭淡黃袍黑鞋犀帶素絲鞋出宮禁衛班直親從等迎駕自贊四拜起居皇帝垂拱殿坐前大起居依故例用文武朝參官並四拜起居如員數稍多隨宜趨耶文臣通直郎已上武臣從義郎已上

正殿門外立班其班次並如常朝儀三省樞密院升殿奏事次引上殿班候班絕舍人奏閤門無公事皇帝起還宮詔依

三十二年閏二月十二日閤門言今來恭文順德仁孝皇帝神主於閏二月十二日祔廟訖所有已後朔望依已降指揮羣臣更不入臨奉慰勸會今來祔廟畢所有日後遇朔望不值假皇帝御殿更合取自朝廷指揮後批送禮部太常寺看詳指定今指定欲依故事御殿詔依

議謚

紹興三十一年六月一日權禮部侍郎金安節等言紹興七年徽宗皇帝謚號依故事以謚議請於南郊所有

今來孝慈淵聖皇帝升遐其謚號欲乞依故事施行詔
恭依 十一日禮部太常寺言已降指揮孝慈淵聖皇
帝謚號依故事羣臣請謚于南郊畢歸齋宮列名上之
今來太傅等請事謚係於圓壇行禮所有合用幕次椅
卓等及至日不測值雨乞依例於淨明寺望祭殿行禮
其行事陪位官立班去處合於祭殿前隨地絞設露臺
屋欲乞並令臨安府同儀鸞司計會御史臺閣門太常
寺絞縛詔依

同日又言已降指揮依故事請謚於南郊今具合排辦
事件 一請謚于天行禮日辰乞候謚議下日從太常
寺闕太史局選日申朝廷指揮降下闕報所屬排辦行
禮 一合用御封降真香一段長一丈乞令戶

部下左藏庫支供祝文一首

述以孝慈訓皇中
誥于天奏告之意

一乞依

故例前一日太傅宿齋於尚書省讀謚議行事官等宿

齋於本司陪位官止至日趁赴 一合用昊天上帝神

位版乞下太史局排辦並差學生一名供設 一俟朝

廷降謚議下考功收掌俟請謚前一日於南郊設帳次

安奉所有棹案并設置席褥供應入從太常寺差內帳

次乞下臨安府同儀鸞司釘設排辦 一請謚畢歸齋

宮列名上之即不該載甚官已上列名若以應陪位百

僚列名竊慮員數稍多欲乞依故例以職事官監察御

史已上并禮官書名文武臣大夫以上書名上之書奏

一節乞下考功施行 一合用置謚議匣案并案衣一

副并席褥二幅乞令工部下文思院製造 一奏告合

用酒脯麩鷄茅燎草秉燭香爐上香木炭藁桔籜祭器
席等並乞下臨安府排辦 一行事太傅讀謚議官舉
謚議官奉禮郎太祝太官令並服祭服外應陪位百僚
並服常服吉服帶立班 一請謚行禮日依禮例皇帝
前後殿不視事是日百司作休務假一日 一合差攝
太傅一員係差宰臣讀謚議官一員乞差侍從官舉謚
議官二員乞差六曹郎官奏告合差奉禮郎太祝太官
令各一員乞差太常寺官並乞降勅詔依自後合用帶
帛左藏庫依
十三日太常寺言檢准紹興七年二月八日已降指揮
謚議狀五日內申尚書省所有今來孝慈淵聖皇帝謚
號集官議謚欲乞依上件指揮今冬酌申請下項 一
依禮例係定日集官于尚書省擬謚今來孝慈淵聖皇

帝謚號除禮部太常寺官依禮例合外合集監察御史
以上官趨赴及據太史局狀宜用六月二十三日甲子
吉 一尚書省集官擬謚乞下考功集合赴官所有合
用茶湯倚卓幕次等乞令臨安府同儀鸞司計會三首
行首司等處釘設排辦 一合差撰謚議官一員依故
例係差翰林學士乞降勅詔依撰議謚官差何溥
二十六日禮部太常寺言今來請謚于南郊畢列名上
之後謚號勅下日次日宰執率百官于文德殿門外進
名奉慰詔依

七月二日翰林學士知製誥何溥等言伏奉勅命集議
于尚書省恭惟孝慈淵聖皇帝稟源哲之姿懋緝熙之
學聰明格于物理恭儉由于天性儲休上嗣毓德東宮

服詩書大雅之言躬曾閔至孝之行進德修業劇寒暑而不渝視膳問安節晨昏而唯謹粵登寶祚光闡聖猷念王業之艱難知民情之疾苦爰施庶政動合群心致謳歌獄訟之歸有鰥寡孤獨之養不矜不伐克勤克儉則大禹之孜孜也有為有守匪攻匪遊則文王之翼翼也輕徭薄賦愛惜民力則文帝之寬仁也信賞必罰綜核名實則宣帝之威斷也唯是數君之盛德固已專美於前聞而况翁受敷施廣大悉備使其享國之有永殆將超世而獨隆矣然則適追先烈而擬諸其形容其在易名之典乎謹按謚法尊賢貴義恭道德博厚日文若帝之尊禮賢士崇尚經術非恭文而何比信義從理曰順勤恤民隱曰德若帝之從善如流視民猶子非順德

而何克已復禮曰仁慈惠愛親曰孝惟帝明於誠意正
心之學施於承顏養志之間善則稱親過不憚改則仁
孝又兼之矣合是六德以為謚蔽以一言而曰欽使顧
成之廟為不遷之宗以是定顯冊而昭萬世豈特恭事
節用而已哉禮賤不誅貴卑不誅尊惟天子稱天以誅
之示不敢專也孝慈淵聖皇帝尊謚宜天錫之曰恭文
順德仁孝皇帝廟號曰欽宗溥等謹儀詔付撰謚議官
五月太常寺言已降指揮請謚于天行禮日辰據太史
局選用七月十二日祭未吉詔依

十一日太常少卿王普等言七月十二日為孝慈淵聖
皇帝升遐請謚于天令臨安府比常日早三刻開嘉會
門放令文武百僚趨赴立班行禮詔依 十三日宰臣

攝太傅陳康伯等奏謹率群臣於今日十二月十二日詣南郊
 請孝慈淵聖皇帝謚議曰臣聞堯帝之所為大者民無
 能名文王之所為聖者純亦不已要皆法天而立道故
 能異世而同符詩書所稱至德元功巍巍煌煌不可尚
 已五三以還賢聖間出孝子慈孫所以發揚其先鉅儒
 宗工所以歸美於上報本反始則有易名之典在焉然
 必謁之於天而後奠之於廟者誠以一代之典用至尊
 至重固非臣下而得而輕議也恭惟孝慈淵聖皇帝濬
 哲聰明溫恭孝友岐嶷之性得於天資緝熙之光轉輔
 以聖學粵自出就外傳既尅阼階率禮無違有儀可象
 建儲歆廟特辭鹵簿之華資善幾經不用邇英之例省
 吏員之猥冗親儒士之端良惟務謙虛克自抑畏建詎

歌之歸子膺歷數以在躬時方多虞力圖宏濟求直言
而自輔下明詔以親征推明聖考愛惠之心深斥群君
蒙蔽之禍登用俊傑故黜奸回戒號令之更張復祖宗
之故實裁外戚之寵官不至於超踰錄先正之孫世果
聞於兢勤六尚之舊制削內侍之倖恩惟日孜孜罔敢
逸豫惟堯帝之兢兢行道文王之翼翼小心不過是也
若乃明刑省罰有哀矜無辜之心薄賦輕得子惠困窮
之實恭儉惟德而聲色不接于前清靜寡慾而喜愠不
形於外求賢若飢渴從諫如轉圜知王業之艱難每敦
勤於農事求皇化之根本嘗率勵於士風講經理夜分
勤政事於日昃其於遊田觀逸之事宮室臺池之後未
嘗萌意於其間焉茲古之哲王得其一二足以垂光史

牒宣昭令聞矧兼舉而備有之乎倘若久於其道而天下化成則三王不足四五帝不足六矣謹按謚法尊賢貴義曰恭道德博厚曰文比信從理曰順勤恤民隱曰德克己復禮曰仁慈惠愛親曰孝夫好善而忘勢屈已以下人使惠信孚于天下而道德集於厥躬茲非恭乎尊德性而道問學隆禮樂而厚人倫發為英華煥然可述茲非文乎孝弟通於神明誠信格于上下天人交助又以尚賢茲非順乎以不忍人之心行不忍人之政視民如傷若保赤子茲非德乎克伐怨慾之不行視聽言動之中禮天地雖大吾心具焉茲非仁乎富貴不足解憂基緒期於克紹以天下養終始無違茲非孝乎書之稱堯曰欽命文思光被四表稱文王曰出起居罔有不

欽則欽者皆帝王之盛德也。自非優入聖域為天下之所宗者，疇足以當之。是故勒鴻名，垂景鑠，必本其功德之所起，而要其事業之所成。考諸先王而不謬，建諸天地而不悖。質諸鬼神而無疑，百世以俟聖人而不惑。則可以昭告于郊，錫命於帝宗。廟饗之子孫，保之傳無所窮。而施罔極矣。大行孝慈淵聖皇帝尊謚宜天錫之曰恭文順德仁孝皇帝。廟號曰欽宗。謹議詔恭依。

中興禮書第二百五十卷

凶禮十五

欽宗恭文順德仁孝皇帝

請諡行禮儀

其日太傅併行事陪位文武百僚並赴南郊幕次各服

其服

行于官服各服陪位官服常服吉帶

俟有司設權置諡議匣案褥位

於壇午階下稍西東向次實設禮料畢御史臺閤門太常寺分列文武百僚入詣午階下之南北向立次引奉禮郎太祝太官令詣陪位班之前褥位北向立次引讀諡議官詣議案之後褥位立次引舉諡議官讀諡議官之後褥位立次禮直官引太傅詣壇卯階下稍東西向褥位立定禮直官贊太傅躬拜贊者曰拜在位官皆再

拜訖先引奉禮郎太祝太官令升壇各就位立定次禮直官引太傅詣盥洗位拈筭盥手悅手執筭詣爵洗位拈筭洗爵拭爵執筭升壇詣昊天上帝神位前酒尊所拈筭跪執爵太官令拈筭跪酌酒訖執筭興太傅受酒訖以爵授執事者執筭興詣昊天上帝神位前拈筭跪上香再上香三上香奉禮郎拈筭跪奉玉幣授太傅太傅受玉幣奉禮郎執筭興復位立太傅執爵三祭酒于茅奠爵執筭悅伏興少立太祝拈筭跪讀祝文讀訖執筭興復位立次太傅再拜訖降壇復位少立禮直官再引太傅詣謚議案權置位立次引舉謚官詣謚議案拈筭跪舉謚議匣興執謚者先拈謚議案詣昊天上帝神位前當中置於褥位訖太傅拈筭奉謚議匣升壇至位

疏奠謚議置于案上舉謚議官執笏興少立次太傅執
笏興少退立次讀謚官詣謚議案後立舉謚議官搢笏
跪舉謚議讀謚議官搢笏跪讀謚議讀訖執笏興降復
位舉謚議官奠謚議訖舉謚議匣興執事者先林案降
壇至於禱位舉謚議官舉匣降壇太傅後從至權置位
置定舉謚議官執笏太傅舉謚議官俱復位立定禮直
官贊太傅躬拜贊者曰拜在位官皆再拜訖次引考功
郎官詣議權置位前立次引舉謚議官詣謚議官案搢
笏舉謚議以授考功郎官訖執笏退復位考功郎官受
之加於笏上退歸本班次太傅率行事官詣望燎位立
定俟有司取祝版幣帛升燎壇燎訖退文武百僚以次
退其合書謚議官並歸次考功郎官以議謚付本部以

俟書奏畢投進

奉謚用寶

紹興三十一年六月十三日禮部太常寺言依故例合修製用寶及差官今具下項 一冊一副寶一顆并沿文思院修製 一合差撰謚用文官書篆寶文官各一員依故例係差執政官並已降勅差官詔撰謚用文差知樞密院事葉義問書用文差參知政事楊椿書篆寶文差同知樞密院事周麟之餘依

七月二十五日禮部太常寺言將來几筵前奉上謚用寶行禮今參酌故例比例到合行事件 一奉上謚用寶於几筵前其太傅以不行禮官并百僚係依禮例並常服黑帶去魚立班行事 一契勘今來几筵殿前上

下各合設置用寶褥位并合設謚冊寶權置位往來行禮竊慮地步窄隘今欲乞陪位百僚隨宜於殿裏外立班所有合用百官幕次拜席褥等乞令臨安府同儀鸞司計會排辦 一奉上謚冊寶日合用香爐匙合等乞就用本殿物件外其合用供養食茶酒果令都大主管所下諸司排辦 一行禮畢其冊寶并沿冊寶法物乞依禮例於几筵殿安奉本殿官交割收掌 一合用御封降真香一合 一奉上謚冊寶前一日奉上謚冊寶太傅讀冊中書令讀寶侍中奉謚冊官奉謚寶官舉冊官舉寶官並常服黑帶去魚守和寧門入詣祥曦殿門外幕次太常寺贊引人禮部職掌及掖衛親從官等並於殿門外隨地排立以俟進請俟謚冊寶內侍官請降

謚册寶將出祥曦殿門次奉謚册寶官於內侍處受册
寶於殿門外極次權置定次禮直官贊者引太傅已下
詣殿門下隨地立班再拜訖如值兩拜或權退側身立俟
有司奉迎掖衛進行太傅已下步從至和寧門外極次
權奉訖太傅已下退歸本司宿齋其用寶下職掌掖衛
祇應人等並宿於用寶極之側所有祥曦殿門外上并
和寧門外西壁合用謚册寶并幕次令臨安府同儀鸞
司計會禮部太常寺釘設排辦詔依

同日又言檢會依故例謚號稱呼俟奉上謚號用寶了
日合稱恭文順德仁孝皇帝祔廟畢合稱欽宗恭文順
德仁孝皇帝詔恭依

二十七日禮部太常寺言將來奉謚册寶詣几筵前行

奉上之禮依禮例合差都大主管官一員係差入內侍省官詔依差林肇

同日知樞密院事葉義問言近奉勅差臣撰孝慈淵聖皇帝謚用文恭依聖訓撰成伏以名者實之賓也有聰明之實則堯舜之名所以顯于當時謚者行之迹也有齊聖之行則文武之謚所以揚諸後世臣不敢私其君故稽之于衆下不敢誅其上故請之于天爰舉徽稱以昭令德恭惟孝慈淵聖皇帝生而有靈神之瑞幼而有岐嶷之姿長而有緝熙之功成而有元良之德自建茅於韓王及正纜於治朝就齒學以授經升儲闈而主器辭有嫌之鹵簿省無用之官屬皆謂得祖宗之道烈已能見帝王之大體作其即位側身以答天戒舍己以從

人欲聽宮嬪之自便弛禁禦以利民削內侍之倖恩裁外戚之濫爵傾珠玉皮幣以結遠人之好損服食器用以訓群臣之儉損不急之貢以復九州任土之經恤無辜之獄以明五刑弼救之本除結聖朋黨於蔓草難圖之後回元祐學術於狂瀾既倒之日誅誤國之元惡以正萬世之典刑錄敢諫之直臣以旌累朝之忠義由是後傑登用姦回放棄政事修於上風俗變於下際天所覆極地所載莫不拭目以觀德化翹首以望太平矣嗚呼孰謂明兩之初遽逢陽九之厄五胡南牧六飛北狩崑崙之駭未還鼎湖之龍已遠諱問奄至攀號無所不聞憑几之命莫救在原之急外朝遵易月之制內庭行三年之喪禮極原不足以寓其哀文極盡不足以稱其

情天將悔禍必返奠於山陵義有從權難久虛於廟祏
是用采六家之舊法參列聖之鴻號式講易名之典先
行升祔之儀昭示至公用施罔極謹遣某官奉寶冊上
尊謚曰恭文順德仁孝皇帝廟號欽宗伏惟威靈在天
陟降于下於皇受之以永終譽詔付書冊文官

二十九日禮部言奉謚冊寶冊合行事件下項 一合用
捧擎謚冊寶冊官執擎沿用寶法物文武官援衛皇城
司親事官街仗司乞下所屬依數差撥其合著衣服除
輦官親事官服色下本處闕借外其職掌服緋羅寬衫
幘頭腰帶文武官街仗司用紫衫帽子仗子乞下祇候
庫臨安府闕借事畢送還 一奉上冊寶前一日致齋
及輓次內合用點照常料蠟三十對秉燭一對並乞下

文思院趕造使用及乞令本院逐作各差高手工匠一名隨逐寶冊在彼祇備緩急修整事畢日發遣詔依八月九日禮部太常寺言今參酌故例比附到合行事件 一奉上謚冊寶日依禮例皇帝前後殿不視事是日有司作休務假一日 一謚冊寶依故例乞令入內內侍省專差內侍官三員掌管進請御書并進謚冊寶於祥曦殿安奉點管至奉上前一日降出 一依故事候書謚冊文官書冊文畢令文思院修製本院計會入內內侍省所差內侍進請御書訖却降付本院修製畢計會所差內侍進入 一奉上謚冊寶日禮畢乞依禮例文武百僚詣文德殿門外進名奉慰 一乞依禮例於奉上前二日差官奏告天地宗廟社稷宮觀 一太

傳率郡臣奉謚冊寶詣几筵前行奉上之禮合差攝太
傅一員讀寶攝侍中一員乞差宰臣讀冊攝中書令一
員奉謚冊官一員奉謚寶官一員以謚冊寶授太傅乞
差執政官舉冊官二員舉寶官二員乞差六曹郎官並
前一日宿齋於本司乞降勅差官詔依

九月十四日禮部太常寺言奉上謚冊寶几筵前行禮
合用日辰據太史局申選用九月二十五日甲午吉詔
依

十五日禮部太常寺言奉上謚冊寶前二日奏告昊天
上帝皇地祇奏告官一員乞差侍從官太廟別廟奏告
官一員乞差南班宗室正任以上太社太稷天廩觀報
恩光孝觀太一宮奏告官各一員乞差侍從官詔依

奉 上 謚 冊 寶 禮 儀

其日俟開和寧門陪位文武百僚入詣幕次有司設權
置冊寶褥位於几筵殿下東向次奉謚冊寶入和寧門
太傅以下行禮官並後從至孝慈洲聖皇帝几筵殿階
下東向權置冊寶南傳太以下權退歸幕次俟有
排辦畢備御史臺閣門太常寺分引文武百僚詣孝慈
洲聖皇帝几筵殿裏外隨地之宜立班定次禮直官引
讀冊中書令讀寶侍中詣冊寶之後褥位立次引舉冊
舉寶官於讀冊中書令讀寶侍中之後立次引奉謚冊
寶官詣冊寶案之南東向立次引奉上謚冊寶太傅詣
殿下褥位西向立定禮直官贊太傅躬拜在位官皆再
拜訖次引太傅升殿詣几筵香案前揖笏上香再上香

三上香跪一酌茶三奠酒執笏俛伏興再拜訖降階復位少立次再引太傅詣殿下褥位北向奏稱太傅臣某言奉詔謹奉上孝慈淵聖皇帝謚用寶奏訖俛伏興退復位奉謚用官詣用案前立次舉用官詣用案搢笏跪舉用匣興

凡舉用寶皆往御殿掌助舉

職掌先捧用案升詣殿上香

案前置於褥位北向次奉謚用搢笏奉謚用次引太傅詣用匣之後搢笏奉謚用官以謚用授太傅太傅受訖奉謚用官執笏退復位次舉用官舉行太傅捧用升殿至褥位北向跪奠用匣於案上太傅執笏興少退稍西褥位東向立次舉用官執笏興少立次引讀用中書令升殿詣用案後北向立舉用官搢笏跪舉用讀用中書令搢笏跪讀用訖執笏興降復位舉用官奠用舉用匣

與職掌先捧冊案於殿上稍東褥位置定舉用官舉用
匣跪置于案上舉用官執笏興降復位初讀用官讀用
將畢引奉謚寶官詣寶案前次舉寶官措笏跪舉盃與
職掌先捧寶案升詣殿上香寶案前置于褥位北向立
次奉謚寶官措笏奉寶盃授引太傅降階於寶盃之後
措笏次奉謚寶官楷笏以寶盃授太傅太傅受訖奉謚
寶官執笏退復位立次舉寶官舉行太傅奉升殿至褥
位北向跪奠寶盃于案上太傅執笏興少退稍西褥位
東向立次舉寶官執笏興少立次引讀寶侍中升殿詣
寶案之後北向立舉寶官楷笏跪舉寶收讀寶侍中措
笏跪讀寶訖執笏興降復位立舉寶官奠寶舉寶盃與
職掌先捧寶案於殿上稍東褥位置定舉寶官舉寶盃

跪置于案上舉寶官執笏興降復位立次引太傅降復
位西向立定禮直官贊太傅躬拜在位官皆再拜如值
詳禮宜並于廊上及文武百僚詣文德門外以俟立班
殿門內外趨邪立班進名再拜奉慰訖退

中興禮書第二百五十一卷

凶禮十六

欽宗恭文順德仁孝皇帝

虞祭卒哭祭

紹興三十一年十月十九日權禮部侍郎黃中等言謹按古者在七月而葬既葬而虞九虞而卒哭乃祔于廟惟我祖宗率而行之不敢有加焉往年徽考升遐已過葬月而梓集議遂從其說茲者恭文順德仁孝皇帝訃音之來將及七月未卜因山之期若不先議虞祔竊恐宗廟月祭時饗久廢不舉於禮未安欲望朝廷敷奏預下禮官參酌徽考祔廟及本朝遷廟典故條具申請施行詔令禮部太常寺討論申尚書省

十一月十八日黃中等言謹按紹興七年正月始聞徽

宗皇帝升遐是年五月禮官以梓宮未還而宗廟祭饗

不可久闕請先行祔廟之禮閏十月癸酉詔與侍從臺

諫集議僉謂宜如景德故事擇日而行之

景德元年司天以明德主

太后園林不利大英權行撰書之十一月乙卯理重于

報恩觀乃立虞主十二月癸亥九虞禮畢乙丑行卒哭

之祭自初虞至七虞皆於報恩觀八虞至卒哭皆于几

筵殿丁卯祔神主於太廟茲者恭文順德仁孝皇帝計

問己及七月未卜葬期中等竊謂當遵徽考已行典故

令有司擇日先行九虞卒哭祔廟之禮詔依

二十四日禮部太常寺言今條具事件下項 一將來

迎重并虞主回几筵殿日具合差僧道威儀各一百人

乞下臨安府差撥其禁衛軍官親從官并執打從物織扇等並乞令都大主管所指揮所屬量人數差就用見今几筵殿織扇從物等供使 一迎重并虞主回合用綵結殿子各一座下儀鸞司計會絞縛 一將來迎重詣埋重去處合權行安奉并虞祭各合用帷次并量行擗截除治欲乞下臨安府同儀鸞司計會太常寺擗截絞縛除治 一將來迎重立虞主日合差內侍三員幹辦及晝夜在彼守宿照管并遇行禮日捧盞乞令都大主管所報入內侍省差官仍乞下皇城司差親事官二十人節級人員各一名守宿分番祇應 一迎重日時并奏請神靈上虞主埋重時刻及祔廟日時並乞下太史局選定具狀報太常寺申取朝廷指揮 一將來

埋重立虞并神主祔廟合用虞主一神主一大匱二小

匱二腰輿二汲水鐵絡桶二全案矮香案二座全紫羅衣子

白羅拭巾一長八尺筆硯墨一幅白羅巾二各長八尺行

障二紫羅衣全襯藉神主虞主紫羅褥子二浴斛二跌座二

條各二全曲几二全油絹帕二條各二單匱黃羅夾帕二

條各二並乞令工部下文思院修製其沿寶法物計會

太廟奉安所修製施行 一將來文思院修製到虞主

神主畢內虞主乞權于几筵殿收奉神主乞於太廟奉

安收奉 一埋重畢浴虞主合用檀沉茆香末各一

兩用柴五十斤從太常寺報臨安府差人供納詔依

同日禮部太常寺言將來恭奉文順德仁孝皇帝虞祭

祔廟當遵嚴考已行典故令有司擇日先行九虞卒哭

祔廟之禮合具事件下項 一將來恭文順德仁孝皇帝祔廟所有前期埋重立虞去處欲乞令太史局於城外利方踏逐寺觀報太常寺申取朝廷指揮 一埋重日虞主運几筵殿行安神禮及卒哭祔廟日依禮例是日皇帝不視事百僚詣文德殿門外進名奉慰次進名奉慰皇后仍乞作百司並作休務假詔依

十二月二日祔廟都大主管所言已降指揮就用見今几筵殿織扇從物等供使如闕下所屬隨宜製造今除就用本殿金鍍銀鈔鑪唾盂火燎子湯瓶外今乞隨宜製造今鍍銀香毬二座香合一具匙子全黃羅織二柄黃油絹織二柄黃羅扇四柄乞下文思院依數製造前來應副使用詔依

五日禮部太常寺言已降指揮迎重日時前禮儀使奏告畢皇帝親行一祭如祖奠之儀今具合行事件下項

一合用御封降真香一合祝文一首

送以恭文顯德仁孝皇帝迎重

親行祖奠禮之意

幣帛一段

長一丈八尺

一合用羊豕各一口乞下

臨安府收買付牛羊司其合用禮料酒齊蠟燭等乞具合用數報臨安府差辦 一合用宰殺羊豕及饌造神

食鍋竈什物等乞令臨安府於和寧門外空閑去處修蓋席屋三門候至卒哭祭畢日去折 一合用香爐匙

合炭火燎草等並乞令主管所行下本殿排辦 一合

差前導太常卿一員贊引太常博士一員乞依例輪差

本寺官 一合差捲簾侍香進茶酒捧祝版執燭等內

侍乞下入內內侍省差 一禮儀使乞致齋於都堂前

導行事官等並乞致齋於本司 一几筵殿東合設御

帷施簾乞下儀鸞司隨地之宜釘設并排辦黃羅拜褥

及奏請紫褥詔依除來迎奉辭席主安神禮卒哭祭大祥

性地原黃羅拜褥奏請紫褥並仿此

三十二年正月十八日禮部太常寺言太史局申路逐

到錢塘門外招賢寺大佛殿前偏西地一段委是利方

堪充恭文順德仁孝皇帝埋重去處詔依宋會要紹興

月十八日禮部太常寺言已降旨將宋恭文順德仁孝

皇帝虞祭附廟當遵與考已行典禮故今有司擇日先行

九虞卒哭附廟之禮合禮部太常寺條具申請施行前期合埋立虞二月二十六日禮部太常寺言據太史局申到迎重埋

重立虞日宜用二月二十九日丙寅日吉迎重時宜用

其日丙時吉埋重時宜用其日庚時吉詔依

同日權禮部侍郎黃中等言檢會山陵掩皇帝畢宗正卿行虞祭官制舊儀悉隸太常將來虞祭乞改太常卿行事從之今來恭文順德仁孝皇帝迎重立虞行虞祭并安神禮欲乞依前項已行典故差太常卿攝事詔依又言竊觀本朝故事祖宗靈駕發引之日抗重已出皇帝親行啟奠祖奠遣奠之禮山陵復土虞主在塗每日虞祭命太常卿攝事虞主至自山陵皇帝迎于集英殿前導虞主升殿于幄嘉祐八年祖無擇司馬光奏讀親虞下禮院詳議以為宜如無擇等奏往年徽宗梓宮未葬先行虞祔前期奏告天地宗廟社稷而几筵無奏告祭奠之禮虞主既還猶遣有司攝行虞祭議者以為闕典前年顯仁皇后之喪發引三奠還宮三虞皆皇帝親

行合於典禮茲者恭文順德仁孝皇帝先行虞祔除依
幾宗已行典故外所有迎重之日欲乞時前禮儀使奏
告畢皇帝親行一祭如奠之儀虞主還几筵殿以後虞
祭亦乞皇帝親行一以申聖上哀慕之誠庶於典禮無
闕欲望朝廷特賜敷奏施行詔恭依

續降指揮並依
考典禮條有司行

祭九虞

同日禮部太常寺言今來神主祔廟前期行九虞卒哭
祭今參酌申請事件下項 一迎奉虞主回几筵殿是

日皇帝行安神燒香禮及太常卿行安神禮并九虞卒
哭祭合用御封降真香一十二合 一太常卿行第一

至第九虞祭合用祝文九首

並述以行
虞祭之意

皇帝親行卒哭

禮合用祝文一首

述以行安
神禮之意

合用白帶一十一段一一

將來虞主回詣几筵殿安奉訖是日皇帝行安神燒香禮畢次太常卿以酒脯行安禮神 一行第一至第九虞祭并安神禮太常卿一員已降指揮差本寺少卿充其奉禮神郎太祝太官令各一員亦乞令輪本寺官充 一九虞祭并卒哭祭共用羊豕各一十口乞下臨安府收買付牛羊司其蠟 禮料酒齊等並乞依前例報臨安府排辦 一合用牙床祭器盤匱并祇應人並乞令太常寺闕報皇城司几筵殿照會前一日放入排辦 第八虞至第九虞祭并卒哭祭行事官等致齋幕次乞本司致齋令臨安府儀鸞司於逐處釘設排辦 一虞回日文武百僚奉迎于和寧門外所有合用香并香案香爐匙合炭火等及幕次乞下臨安府儀鸞司于待漏

院釘設排辦 一几筵殿權安奉虞主畢係本殿官照
管所有安神并虞祭卒哭祭合用香爐匙禮合上香炭
火蠟燭并焚燒祝文幣帛柴草等乞令都大主管行下
諸司排辦付本殿官 一迎重并奉迎官虞主日竊慮
不測雨降合雨具乞令都大主管所行下所屬排辦其
奉迎官等亦乞許施雨具 一將來虞主回赴几筵殿
權行安奉所有合用安奉虞主椅子一隻及已後照管
并虞祭卒哭祭奉遷虞主依故例並乞令本殿幹辦官
捧遷照管排辦 一俟皇帝行安神燒香之禮畢太常
卿以酒脯行安神禮詔依

同日禮部太常寺言恭文順德仁孝皇帝祔廟今有司
擇日先行九虞卒哭之禮條具到下項 一祔廟前期

自几筵殿迎重於埋重處權行安奉是日俟皇帝行祖奠禮畢禮儀使率合迎重有司自几筵殿迎奉出和寧門詣埋重處俟時奏請神靈上虞主訖埋重於本處利方次太常卿行第一虞祭翼日夙興行第二虞祭已後每日依禮例行第一虞祭至第七虞祭畢迎奉虞主還几殿筵是日文武百僚於和寧門外奉迎至几筵殿門外皇帝服見服履袍奉迎前導虞主升殿畢行安神燒香之禮訖還內次太常卿以酒脯行安神禮次有司行第八虞祭第九虞祭至祔廟前二日皇帝行卒哭之禮乞用朔望官陪位立班祔廟日皇帝行寧神禮畢自几筵殿導虞主至和寧門外奉辭畢禮儀使奉虞主詣太廟奏請神靈上神主訖次行祔廟之禮一行祖奠禮

卒哭祭祔廟日並乞前一日皇帝齋於內殿有司不奏刑殺文書 一合差內常侍內謁者各一員扶侍夾侍各二員扶與官四員乞下入內內侍省差 一迎重日禮儀使詣几筵前先行奏告之禮合用供養食茶酒果等乞令都大主管所行下諭司排辦其鈔鏹盆臺五子等乞就用几筵殿見今供奉物件 一迎重日時將至乞令太常卿詣重前燒香訖次几筵殿幹辦管輦匠匠開塲尅擇官抗重捧升綵殿其合用開塲埋重工匠乞令都大主管所閱報修內司差撥及合差抗重定時尅擇官一名下太史局差 一理重處合用安設帷次并禮儀使以下行事官宿齋待班幕次今來招賢寺隘窄今欲乞就招賢寺東官園內屋宇時暫充宿齋及待班

幕次所有合用什物帳幕并拜席褥等並乞令臨安府

同儀鸞司釘設排辦一禮儀使奏告合用祝文一首

述以迎重攝壇迎處壇
重王其主奏告之意并合用御封降真香二合一

迎重日時前禮儀使行奏告禮畢皇帝行祖奠禮并有

司行第八第九虞祭其祭器禮料等並行預先赴几筵

殿排辦欲乞是日和寧門并几筵殿門並乞比常日早

二刻開放令祇應人等入赴几筵殿排辦詔依

同日禮部太常寺言虞祔祭前迎重日皇帝親行一祭

如祖奠之儀并虞主還几筵殿皇帝親行卒哭祭並合

差進幣爵酒官讀祝文官酌酒官各一員乞差曹郎官

充內讀祝文官乞差史官充合差捲簾侍香供進盤匱

帳中捧爵執燭等內侍乞下入內侍省差官詔依

二十七日御史臺禮部問門太常寺言准都省批送下
禮部侍郎黃中等劄子為恭文順德仁孝皇帝抗重行
禮乞依明德皇后掖宮故事服初喪之服事後批送禮
部太常寺同御史臺問門日下討論指定今討論竊謂
三年之喪天下之通喪堯舜三代之所共也此禮之正
也後世不得已為以日易月之制者禮之變也已有媿
於古矣然猶於二十七日釋服之後因事則服庶幾於
反正如通典所載及本朝累行典故大葬盛損必服其
初服是也今者恭文順德仁孝皇帝祔廟有日前期立
虞主行虞祭及卒哭之禮既一切以葬禮從事矣其於
抗禮理重之際安得不尊祖宗典故服其初服乎若曰
既二十七日釋而不可以復服則是禮之變者可行而

其正者不可行其可乎若曰七月而葬則當服今十月

而葬則不當服是又不然七月之與十月雖遠近差殊

其實均在釋服之後以二十七月之制考之均在小祥

之前也何不當服之有矧真宗皇帝九月而葬亦服其

初服乎若曰理重不可以同葬禮則虞祭卒哭祔廟之

禮舉不當行矣何則葬然後虞祭然後祔廟卒哭

卒哭然後祔廟其序固如此未有不葬而祔者也又況

今日所行實倣明德皇后攢宮故事考之會要皆有據

依服其初服於禮為當伏乞速賜敷奏施行詔恭文順

德仁孝皇帝迎重理重虞祭祔廟等應干合施行詔依

擬考典禮施行太帝寺檢准非與七年盛宗皇帝虞祭

皇帝親事百司不作林路殿徐有司行第八第九虞祭

奉德所有今來恭文順德仁李皇帝虞祭合依絲與七

八年禮九制於禮堂是日皇帝親事百司不作休務假及
第百八第九第不奉德

皇帝親行祖奠之禮儀

其日有司設牙床牲牢禮料行禮時前禮直官引讀祝
文官詣殿上東向立進幣爵酒官詣殿上西向立酌酒
官於酒尊後北向立次御史臺閤門太常寺引朔望入
臨文武百官入詣殿下隨地之宜立定次禮直官太常
博士引太常卿詣帷前西向立皇帝自內服見服履袍
至御幄簾降禮直官太常博士引太常卿當帷前俛伏
跪奏稱太常卿臣某言請皇帝為恭文順德仁孝皇帝
迎重行祖奠之禮奏訖俛伏興退復位簾捲導皇帝出
帷詣殿下褥位西向立奏請拜皇帝再拜舉哭在位官

皆再拜舉哭次內侍進盤匱沃水奏請皇帝盥手內侍
進中奏請皇帝悅手內侍進爵奏請皇帝洗爵內侍進
中奏請皇帝拭爵前導官導皇帝升殿詣几筵前奏請
皇帝跪上香再上香三上香進幣爵酒官西向跪進幣
次進爵酒又奏請皇帝受幣奠幣執爵三祭酒奠爵悅
伏興奏請皇帝少立哭止讀祝文官東向跪讀祝文訖
奏請皇帝哭在位官皆哭又奏請拜皇帝再拜在位官
皆再拜次導皇帝降階復位西向立又奏請拜皇帝再
拜在位官皆再拜次導皇帝歸帷簾降次禮直官太常
博士引太常卿當帷前悅伏跪奏稱太常卿某言臣禮
畢奏訖悅伏興退復位皇帝還內文武百僚以次退有
司焚燎祝幣訖退次太常卿詣重所行燒香之禮

迎重儀

其日俟有司排辦畢備引禮儀使詣几筵殿太常寺引太祝先入詣几筵殿下北向立定次禮直官引禮儀使詣几筵殿下西向立定禮直官贊拜禮儀使太祝皆再拜訖贊者引太祝升殿詣几筵前東向立次禮直官引禮儀使升殿詣几筵香案前揖笏上香再上香三上香跪奠茶酒執笏俛伏興少立太祝揖笏跪讀祝文訖執笏興先降復位立禮儀使再拜訖降復位禮直官贊拜禮儀使太祝並再拜訖有司焚祝版訖退權歸幕次俟皇帝行祖奠禮畢還內俟時將至僧道親從禁衛執持從物等入於几筵殿門外排辦立定次禮直官引太常卿常服詣几筵殿重前立禮直官贊拜太常卿再拜訖

稍前三上香畢訖再拜退於几筵殿下西向立俟尅擇
官報時及几筵殿幹辦官率工匠開殿次尅擇官抗重
升綵殿都大主管官往來照管俟重出殿門太常卿騎
導禮儀使都大主管官幹辦等官從至埋重門下馬導
從至殿下尅擇官抗重降綵殿捧詣殿上神帷權行安
奉訖禮儀使已下權退歸幕次以俟立虞行禮

立虞理重儀

其日俟埋重時將至有司排辦畢備扶持夾侍捧腰與
官捧恭文順德仁孝皇帝虞主腰與詣帷前置定禮直
官引禮儀使詣帷前稍西東向立次禮直官引內常侍
奉虞主詣浴斛浴拭訖置于案內侍捧遷虞主并腰與
訖次引禮儀使詣神帷前北向跪伏跪奏禮儀使臣某

言請蒸文順德仁孝皇帝神靈上虞主奏訖詣伏興退
復位內侍以匱覆之次捧腰與官捧腰詣與官捧腰與
詣神帳內置定內謁者捧虞主置于座訖禮儀使已下
退幹辦官率工匠尅擇官抗重埋于利方訖次太常卿
行第一虞祭如別儀

太常卿行九虞祭儀

有司排設牲牢禮饌訖行事官各服常服黑帶贊者引
奉禮郎太祝太官令詣殿下北向立禮直官引太常卿
詣殿下西向立禮直官贊躬拜太常卿拜在位官皆再
拜訖次引奉禮郎以下升殿就位立引太常卿詣盥洗
位執笏詣爵洗位搯笏洗爵拭爵執笏升殿詣酒尊所
搯笏跪執爵俟太官令酌酒訖執笏興引太常卿詣恭

文順德仁孝皇帝虞主前指笏跪上香再上香三上香受幣奠幣執爵三祭酒奠爵執笏俛伏與少立俟太祝讀祝文訖請再拜訖引降階復位禮直官贊躬拜太常卿拜在位官皆再拜訖引詣望瘞位南向立奉禮郎以下重行俟焚瘞祝幣訖班退

宰執率文武百僚奉迎虞主儀

其日俟太常卿行第七虞祭畢俟威儀僧道儀衛親從等排立定禮直官引禮儀使都大主管官以下詣虞主帳前褥位立班定禮直官揖躬拜禮儀使拜在位官皆再拜次引禮儀使詣虞主香案前指笏上香再上香三上香執笏降復位再拜在位官皆再拜訖次引禮儀使都大主管官升詣帳前立定禮直官引內謁者詣虞主

升腰輿前悅伏跪奏稱內謁者臣某言請恭文順德仁孝皇帝虞主進行奏訖悅伏輿退內謁者捧腰輿官并扶侍夾侍捧腰輿至門外升綵殿予以次進行威儀僧道儀衛親從等前引禮儀使騎從都大主管官并主管諸司等往來照管俟虞主至和寧門外禮儀使已下下馬步從次有司設香案訖御史臺閣門太常寺分引文武百官常服黑帶赴和寧門外立定俟恭文順德仁孝皇帝虞主將至禮直官揖躬拜班首已下皆再拜次引班首詣香案前拈笏上香再上香三上香訖執笏復位立禮直官揖躬拜班首以下皆再拜訖權退立俟虞主過班退

如值兩泥淨免拜並燒香止隨地立班

皇帝行安神燒香之禮儀

其日皇帝自內服見服履袍詣几筵殿內御帷簾降禮直官太常博士太常卿於帷前立定俟扶持夾侍捧腰與官捧虞主腰輿官捧虞主腰輿將至几筵殿門禮直官太常博士引太常卿當帷前俛伏跪奏稱太常卿臣某言請皇帝奉迎恭文順德仁孝皇帝虞主行安神之禮奏訖俛伏興退復位捲簾前導官導皇帝出帷詣殿門內奉迎虞主升殿上權駐前導官導皇帝於殿上稍東褥位西向少立禮儀使於殿下陪位立班次引內謁者詣虞主腰輿前俛伏跪奏稱內謁者臣某言請恭文順德仁孝皇帝虞主降輿升座權安奉奏訖俛伏興退內侍捧虞主升座啟覆于後以巾覆之訖少退前導官導皇帝詣殿詔恭文順德仁孝皇帝虞主香案前奏請皇

下褥位西向立奏請拜皇帝再拜訖前導官導皇帝升殿詣祭文順德仁孝皇帝虞主香案前奏請皇帝上香再上香三上香又奏請拜皇帝再拜訖前導官導皇帝降階復位西向立俟內侍啟中捧匱覆虞主訖前導官導皇帝還御帳簾捲禮直官太常博士引太常卿當帷前俛伏跪奏太常卿臣某言禮畢奏訖俛伏興前導官退皇帝還內

皇帝親行卒哭祭儀

其日有司設牙床牲牢禮料畢行禮前御史臺閤門太常寺先引朔望入臨文武百官詣殿下隨地之宜立定次禮直官引讀祝文官詣殿上東向立進幣爵酒官詣殿上西向立酌酒官於殿上酒尊之後立定次禮直官

太常博士引太常卿詣幄前立定皇帝自內服見服履袍至御幄禮直官太常博士引太常卿當幄前俛伏跪奏稱太常卿臣某言請皇帝為恭文順德仁孝皇帝行卒哭之禮奏訖俛伏興退復位簾捲導皇帝出帷詣殿殿下褥位西向立內侍詣虞主前啟虞主匱於後以白羅巾覆之訖復位太常卿奏請拜皇帝再拜舉哭在位官皆再拜舉哭次內侍進盤匱沃水又奏請皇帝盥手內侍進巾又奏請皇帝俛手內侍進爵又奏請皇帝洗爵內侍進巾又奏請皇帝拭爵訖前導官導皇帝升殿詣虞主前又奏請皇帝跪上香再上香三上香進幣爵酒官搢笏跪先進幣次進爵酒又奏請皇帝受幣奠幣執爵三祭酒奠爵俛伏興又奏請皇帝少立哭止讀祝

文官持笏跪讀祝文官訖奏請皇帝哭在位官皆哭又奏請皇帝再拜在位官皆再拜訖次導皇帝降階復位西向立又奏請拜皇帝再拜在位官皆再拜內侍詣虞主前啟白羅中以匱蓋之訖復位次導皇帝還御帷簾降禮直官太常博士引太常卿當帷前俛伏跪奏稱太常卿臣某言禮畢奏訖俛伏興退復位皇帝還內前導陪位行事官以次退

中興禮書第二百五十二卷

凶禮十七

松楸北卷水樂大典七千三百五十四卷一萬七千六十三卷凡兩載

欽宗恭文順德仁孝皇帝

祔廟

紹興三十一年十一月十八日權禮部侍郎黃中等言
恭惟太祖造邦始立宗廟追尊僖順翼宣四祖厥後太
祖太宗真宗仁宗升祔而七世之廟乃備蓋太祖太宗
以兄弟相及同為一世故在英宗朝太廟入室其實七
世在神宗朝尊僖廟為始祖乃遷順祖而祔英宗在哲
宗朝又遷翼祖而祔神宗皆為七世而入室也徽考嗣
位將祔哲宗而宣祖當遷於是倣唐之制創為九廟翼
祖已遷而復故宣祖當遷而不祧僖翼宣祖為三世太

祖太宗為一世自真宗至哲宗為五世遂為九世而十室也往年徽考升祔與哲宗同為一世故無迭遷之主是為九世而十一室也茲者欽宗將祔則翼祖當遷蓋欽宗之於徽考猶哲宗之於神宗皆以父子相繼別為一世然則今日宗廟自僖祖宣祖太祖太宗至于徽考欽宗是亦九世而十一室也竊謂當遵本朝已行典故遷翼祖而祔欽宗詔依

二十二日黃中等言今來恭文順德仁孝皇帝祔廟并日後太廟薦饗行禮依儀本室有酌獻之樂其樂曲名係以原廟殿名為樂曲之名今乞差官先撰原廟殿名仍乞令學士院依殿名製撰樂曲前期降付太常寺教習詔原廟殿名并樂曲並令學士院撰撰

是月二十日翰林學士

何博古於景宣宮恭文順德仁孝皇
帝御殿名以地處殿為名詔恭依

二十三日禮部太常寺言已降指揮恭文順德仁孝皇
帝祔廟當遷翼祖而祔欽宗所有翼祖室牌係是御書
今來遷神主於夾室其室牌乞於太廟奉安所用寶殿
收奉合用欽宗室牌一面合依見今諸室例係御書青
地金字欲乞令修內司依樣製造進請御書修製畢權
於本司安奉以俟申請擇日迎奉安掛詔依

二十四日禮部太常寺言將來迎重理重立虞至神主
祔廟合差禮儀使一員依禮例係差宰臣并合差都大
主管官一員係差近上內侍乞降勅差官施行詔依
十二月三日權禮部侍郎黃中等言禮部太常寺已得
指揮為恭文順德仁孝皇帝迎重立虞行九虞卒哭祔

廟之禮已選用十二月二十六日祔廟今來竊恐車駕旦夕進發與行禮日辰相妨昨來徽宗皇帝於紹興七年正月間訃當年五月內禮官請先行虞祔時以俟迎奉梓宮未還至十二月內方始行禮係在小祥之前所有今來恭文順德仁孝皇帝祔廟乞敷奏依上件典故於來年正月以後擇日詔依

三十二年正月二十一日詔比者視師江上膚騎遁去兩淮無警已委重臣統護諸軍一面經畫進討今暫還臨安奉恭文順德仁孝皇帝祔廟之禮

二月二十六日禮部太常寺言今來祔廟已降指揮於正月以後擇日據太史局申祔廟日宜用閏二月十一日戊寅吉時宜用其日坤時吉詔依 同日禮部太常

寺言將來祔廟依禮例合前二日奏告天地宗廟社稷
宮觀今具合申請排辦事件下項 一合用御封降真
香二十九合祝文一十六首青詞二首 並述以恭文
德仁孝皇帝祔
廟前二日奏告之意 蒼幣五黃幣一皂幣二青幣一十

白幣一十一 一合用神位版及鋪排學生并逐處合
差光祿卿奉禮郎等官及合用酒脯禮料蠟燭祝盆拜
席褥等乞令太常寺申吏部差官牒報臨安府排辦詔
依

同日太常寺言今來祔廟前二日奏告昊天上帝皇地
祇太廟別廟太社太稷天慶觀聖祖天尊大帝報恩光
孝觀三清太一宮五福十神太一各合差奏告官一員
並乞差兩省侍從官內宗廟差南班宗室正任以上充

並乞降勅差官詔依

同日禮部太常寺言今參酌到祔廟合行中申請事件
一今來欽宗室牌一面契勘迎牌依禮例合用樂儀
仗今來緣未開樂欲乞於迎奉虞主日令儀鸞司絃縛
綵結殿子計會修內司降出升綵結殿子就用細仗於
虞主腰輿前一就迎奉赴太廟設帷權行安奉俟神主
祔廟行禮時令修內司差人安排所有權安奉御書牌
幔次亦乞令儀鸞司計會排辦 一將來神主祔廟文
武百僚陪位前一日宰執齋于都堂百官齋于本司無
本司官齋于貢院員僚齋于本營廳事及致齋日治事
如故唯不判書刑殺文書所有合用幕次等並乞下臨
安府同儀鸞司釘設排辦 一將來神主祔廟其行事

執事官并十日受誓戒於尚書省 一合用禮料酒濟

等並乞令太常寺依例牒報臨安府排辦 一將來神

主祔廟依故事文武百僚服吉服陪位立班其立班官

欲乞下御史臺閣門申請施行 一契勘昨顯仁皇后

祔廟依禮例合設登歌宮架樂樂舞所有今來恭文順

德仁孝皇帝神主祔廟欲乞依上件禮例施行 一將

來神主祔廟合用祝文一十二首太廟一十一首別廟

德仁孝皇帝祔廟之章白幣一十二段正羊豕各一十二口副羊

豕各四口令臨安府收買赴牛羊司 一將來神主祔

廟如常饗儀行禮外所有祔謁并祔饗儀注乞從太常

寺修定關報所屬施行及合差三獻至太官令並乞令

太常寺具窠目申請降勅差官其合差薦香燈官捧俎

官宮闈令乞依常饗例申吏部及闕入內內侍省差

一將浴神主合用檀沉箋茆香末各一兩并用柴五十斤乞從太常寺依例報臨安府供納 一將來神主祔廟先行祔謁祖宗之禮合用黃羅拜褥一乞下工部指揮文思院製造赴太常寺送納俟用畢太廟用寶殿收掌 一合差定時尅擇官一名乞下太史局差詔依

同日禮部太常寺言今來恭文順德仁孝皇帝祔廟奉辭虞主今參酌合行申請事件下項 一奉辭虞主合於和寧門外西設御帷并合用露屋乞下儀鸞司絞縛釘設排辦其合用香案香爐匙合等乞下祔廟都大主管所行下諸司排辦 一所有今來恭文順德仁孝皇帝神主祔廟欲乞依故事令行在應南班宗室赴赴俟

皇帝禱主祔廟欲乞依故事令行在應行奉辭虞主禮
畢遂內自和寧門外騎導至太廟棹星門外下馬步導
至權安奉幄次訖權退以俟陪位立班 一迎奉虞主
詣太廟及神主祔廟依禮例合用本殿儀衛及執打從
物等導引赴太廟今欲乞令都大主管所就用見今几
筵殿奉迎虞主從物等至日導引赴太廟 一檢會昨
顯仁皇后神主祔廟緣儀仗未備止用細仗二百人令
兵部依例差撥其鼓吹令太常寺比附儀仗人數差撥
導引所有今來恭文順德仁孝皇帝祔廟欲乞比附昨
顯仁皇后儀仗鼓吹人數令所屬條具差撥導引至太
廟行祔廟之禮 一神主祔廟依禮例合差威儀僧道
各一百人差儀衛輦官親從官執打從物繖扇等其僧

道乞下臨安府差撥儀衛軍官親從官並乞令都大主管所指揮所屬量人數差 一神主祔廟依禮例其謚用實於虞主前陳列至太廟令禮部量人數差撥職掌接銜照管詣太廟俟祔廟畢交割付太廟奉安所收管 一祔廟日於虞主前奏請神靈上神主訖其虞主依故事合於太廟本室殿後瘞埋今來太廟係行在安奉兼昨徽宗皇帝虞主見在本廟用寶殿權行收奉所有今來恭文順德仁孝皇帝虞主今欲乞依上件禮例於本廟用寶殿權行收奉俟將來迎奉本廟回京日依故事施行 一神主祔廟其太廟南神門外稍西東向合設權安奉虞主神主帷次乞下儀鸞司同臨安府預先計會釘設排辦 一題神主訖合用漆匠一名并所用

添乞下文思院預先差辦 一將來奉辭虞主并神主
祔廟合差宮闈令及合差內常侍內謁者并扶侍夾侍
捧腰輿內侍乞令入內內侍省差官詔依

同日太常寺言今來祔廟饗太廟別廟合差准誓刑部
尚書一員止趁赴受誓戒並不致齋亦不行事監察御
史兵部尚書工部尚書押樂太常卿光祿卿押樂太常
丞光祿丞奉禮郎登歌協律郎宮架協律郎太祝太官
令各一員乞降勅差官詔依

二十七日禮部太常寺言今來祔廟合差題神主官一
員依禮例係差翰林學士乞降勅差官詔依

同日常太寺言今來神主祔廟饗太廟別廟行禮數內
合差初獻亞獻終獻各一員乞降勅差南班宗室正任

以上充詔依

同日禮部太常寺言今具到祔廟合行申請事件一
依已降指揮埋重并祔廟日百條奉慰並改作次日詣
文德殿門外進名奉慰皇后一勘會祔廟已用閏二
月十一日行禮行事執事官並合前十日五更受誓戒
係於閏二月一日五更並赴尚書省受誓戒緣當日係
太常卿以下行第三虞祭竊慮虞祭祭官內有合赴祔
廟受誓戒官欲乞二月三十日並赴本司致齋閏二月
一日五更受誓戒訖徑赴第三虞祭行事詔依
同日禮部太常寺言將來祔廟迎重埋重立虞至神主
祔廟合差禮儀使一員已降指揮差尚書省左僕射陳
康伯緣見在朝假所有二月二十九日迎重埋重立虞

并迎奉虞主赴几筵殿職事竊慮相妨欲乞以次宰臣

時暫行事詔依

宋會要二月二十七日太常少卿王善言謹按通典神主之判有虛有跌其

成其供方成有下而上蓋此神主之判有虛有跌其

宗帝后之主之臣有蓋無成難于祀下與此各致

祭享遇奉之時唯在國中不以元氣動其下祭承

子之復失其神主在中者仍乞添造祖宗神主

之臣欲依通典並造庶蓋仍乞添造祖宗神主

成戶幾合于禮制兼亦使于院將見修製恭文順德

李望帝神主虞主

二十八日御史臺閣門言今來神主祔廟所有文臣乞

用應釐務不釐務通直郎以上及行在見任寺監主簿

丞務郎已上職事官武臣欲乞用保義郎已上并三衛

員僚已上並服常服吉帶赴陪位立班詔依

三十日禮部太常寺言祔廟依國朝故事饗太廟改廟

逐室酌獻並合用登歌宮架樂舞并合用太常鼓吹左
右金吾仗自大內振作導引神主至太廟行祔廟之禮
今准指揮恭文順德仁孝皇帝祔廟應合行事並依徽
考典故契勘昨紹興七年徽宗皇帝祔廟其樂舞儀仗
鼓吹并未曾置備舉行緣見今常祀薦饗太廟別廟係
用樂舞昨顯仁皇后祔廟已曾用上件樂舞儀仗鼓吹
所有今來恭文順德仁孝皇帝祔廟合用樂舞儀仗鼓
吹欲乞依已申請到指揮施行詔依

鼓吹導引樂曲道宮

鼎湖龍遠九祭畢嘉觴遙望白雲鄉蕭茄淒咽離天闕
千仗儼成行聖神昭穆盛重光寶室萬年藏皇心追慕
思無極孝饗奉蒸嘗

皇帝行寧神并奉辭虞主儀

其日儀仗鼓吹威儀僧道儀衛等於和寧門外排立定禮直官太常博士引太常卿於几筵殿內帷前立定皇帝自內服見服履袍至几筵殿歸御帷簾降禮直官太常博士引太常卿當帷前俛伏跪奏稱太常卿臣某言請皇帝行迎神奉辭之禮奏訖俛伏興退復位簾捲前導官導皇帝出帷詣几筵殿下褥位西向立俟內侍啟匱于後以巾覆虞主訖奏請拜皇帝再拜訖前導官導皇帝升殿詣恭文順德仁孝皇帝虞主香案前又奏請皇帝上香再上香三上香又奏請拜皇帝再拜訖前導官導皇帝請几筵殿門內入御帷簾降禮直官太常博士引太常卿於帷前立定次輦官擎腰輿詣几筵殿下

置定禮直官引內謁者詣虞主前俛伏跪奏稱內謁者
臣某言請恭文順德仁孝皇帝虞主降座升與進行奏
訖俛伏興退內侍啟巾以匱覆虞主訖捧升腰與扶持
夾侍捧腰與詣殿下次鞞官擊腰與進行俟虞主將出
几筵殿門簾捲前導官導皇帝導虞主進行和寧門外
前導官導皇帝詣禱位西向立內謁者詣虞主前俛伏
跪奏內謁者臣某言請虞主少駐奏訖俛伏興退鞞官
置虞主腰與定扶持夾侍鞞官已下權退俟有司陳香
案等畢備前導官導皇帝詣虞主香案前南向奏請拜
皇帝再拜訖又奏請皇帝上香再上香三上香又奏請
拜皇帝再拜訖前導官導皇帝歸御幄簾降次有司捧
擎虞主腰與進行禮儀使後從次禮直官太常博士引

太常卿當帷前俛伏跪奏稱太常卿臣某言禮畢訖俛伏興退皇帝乘輦還內如常儀

禘廟儀

齋戒

前饗十日受警戒於尚書省並如常饗受誓之儀

禘饗前一日

其日禘饗并別廟行事執事官並服吉服赴太廟齋坊幕次行事執事官詣初獻廳下對揖訖升廳收笏就坐點茶畢請執笏立俟太祝習讀祝文訖收笏就坐點湯畢禮直官贊者分引行事執事官詣東神門外省牲位立定禮直官贊揖訖次引押樂太常卿入行樂架次引監察御史升殿詣諸室前北向視滌濯執事者皆舉冪

曰潔降復位禮直官曰告潔畢請省牲次引太祝光祿
丞巡牲告充膾如常儀訖退復位禮直官曰省牲畢請
詣省饌位揖訖禮直官贊者分引行事執事官詣省饌
位立定禮直官贊揖訖所司省饌俱畢禮直官贊揖訖
退次引監察御史詣厨省鼎鑊視滌漑訖退協律郎展
視樂器俱還齋所脯後太官令率宰人以鬻刀牲祝史
以槃取血毛各置於饌所逐烹牲宮闈令帥其屬掃除
廟之內外訖還齋所初煎饌畢太廟奉安所捧神主腰
與詣廟南神門外帷次并設浴斛案巾香筆墨硯等於
帷內

晨裸

祔饗日行事官內合赴迎奉者守太廟門出赴和寧門

外候再拜訖前導虞主詣太廟櫺星門外下馬步導禮儀使都大主管官後從虞主至南神門外帷次權安奉訖禮儀使都大主管官前導官退歸幕次僧道先退禁衛更互排立祠祭官引宮闈令詣殿下再拜訖開室整拂神帷次引薦香燈官入詣殿下北向再拜訖升殿詣諸室立定有司前期設祭器實之皆如春饗之儀太官令監視訖退次引光祿卿詣殿下褥位再拜訖升殿點詣諸室立定閱訖次引監察御史升殿按視訖俱退還齋所並服祭服祔饗時將至禮直官引禮儀使詣神主帷前稍南北向立次禮直官引都大主管官詣禮儀使之後稍東北向立次引內常侍入帷搯笏捧斂宗恭文順德仁孝皇帝神主詣浴斛跪浴拭訖置于安執笏興

退次引題神主官詣帷前盥洗位西向搢笏盥手悅手
訖執笏入帷詣欽宗恭文順德仁孝皇帝神主案前搢
笏跪題神主訖執笏興退有司漆之次引內常侍詣神
主案前搢笏捧神主置于腰輿以白羅巾覆之執笏退
次引扶侍夾侍官捧腰輿官捧神主腰輿次于虞主腰
輿訖次引禮儀使詣虞主前俛伏跪奏稱禮儀使其官
臣某言請欽宗恭文順德仁孝皇帝神靈上神主奏訖
俛伏興退復位立次太廟奉安所捧遷虞主詣本廟用
寶殿權安奉次御史臺閣門太常寺分引宰執使相文
武百僚入詣殿庭分東西相向立北上禮直官贊揖次
引太常卿丞協律郎次引監察御史奉禮郎者分引附
饗行事官詣東神門外揖位立禮直官贊揖次引太常

卿丞協律郎次引監察御史奉禮郎太祝太官令入就
殿下席位北向立次引初獻兵部工部尚書亞終獻入
就殿下席位西向立祠祭官於殿上贊奉神主次引薦
香燈官入室指笏奉帝主啟匱於後中以白扇執笏退復
執事位次引宮闈令搢笏奉后主如上儀中以青扇執笏
退復執事位祠祭官於殿上贊奉神主訖俟太史局報
時及禮直官引內謁者神主帷前西向俛伏跪奏稱內
謁者臣某言請欽宗恭文順德仁孝皇帝神主進行奏
訖俛伏興次詣神主腰輿前徹巾奉主入匱訖次贊引
扶侍夾侍捧腰輿內侍謁詣幄捧腰輿進行內謁者前
導禮直官引禮儀使都大主管官後從入南神正門詣
泰階下北向禁衛退御史臺閣門太常寺分引宰執使

相文武百僚合班北向立定次內謁者詣殿下褥位南向俛伏跪奏稱內謁者臣某言請欽宗恭文順德仁德孝皇帝神主少駐俛伏興少退立禮直官引都大主管官先退次禮直官引禮儀使升自泰階詣殿上當中褥位北向俛伏跪奏稱禮儀使具官臣某言欽宗恭文順德仁孝皇帝神主拊謁奏訖俛伏興退復本班位次引官闈令詣殿下神主腰輿前搢笏捧神主升自泰階詣殿上當中褥位北向啟匱權奉神主于坐以白羅中覆之其匱設于座後捧腰輿內侍并扶侍夾侍官並退宮闈令執笏興少退立俟拊謁訖宮闈令搢笏跪奉欽宗恭文順德仁孝皇帝神主入匱興詣欽宗室啟匱奉神主于座以白羅中覆之其匱設于座後宮闈令執笏興退復執事位禮

直官贊有司謹具請行事贊者曰再拜在位官皆再拜
訖次引押樂太常卿丞協律郎詣樂架立定次禮直官
引監察御史奉禮郎太祝太官令各升殿就位立定次
禮直官引初獻詣盥洗位北向立搢笏洗瓚拭訖以瓚
授執事者執笏升殿詣僖祖室尊彝所西向立執事者
以瓚受初獻初獻搢笏跪執瓚執彝者舉罍太官令搢
笏跪酌鷄彝之鬯鬯訖執笏興先詣宣祖室尊彝所北
向立初獻以瓚授執事者執笏興入詣禧祖室北向立
搢笏跪次奉禮郎搢笏西向跪執事者以瓚授奉禮郎
奉禮郎奉瓚授初獻初獻執瓚以鬯裸地奠瓚次執事
者以幣授奉禮郎奉禮郎奉幣以授初獻訖執笏興先
詣宣祖室前西向立初獻受幣奠訖執笏俛伏興出戶

十一 執事者入設於饌幔內俟初獻既升晨裸捧俎

官及執事者捧俎入詣西階下於左右次引兵部尚書

工部尚書詣西階下各搯笏奉俎升殿宮架作豐安之

樂奉俎詣西祖室北向跪奠訖先薦羊次薦豕執笏俛

伏興有司設于豆右腸胃膚之前羊在左豕在右次詣

諸室及別廟奉俎並如上儀別廟登儀作肅安之樂俱

降復位樂止初奠俎訖次引薦香燈官取蕭合黍稷搗

於脂燎於爐炭當饋熟之時薦香燈官取菹搗於醴祭

于豆問三又取黍稷肺祭如初俱藉以茅退復位次引

初獻再詣盥洗位宮架正安之樂作初獻升降之行止北

向立搯笏盥手帨手執笏升殿樂止登歌樂作詣僖祖

室的尊所西向立樂止登歌基命之樂作宣祖室天元

皇武之樂太宗室大定之樂神宗室太熙文之樂哲宗室
美成之樂英宗室治隆之樂神宗室太熙文之樂哲宗室
重光之樂徽宗室承光之樂神宗室太熙文之樂哲宗室
始慶之樂列廟於節皇后故安之樂執事以爵授初獻
初獻指笏跪執爵執尊者舉帛太官令指笏跪酌犧尊
之醴齊訖先詣宣祖室酌尊所北向立初獻以爵授執
事者執笏興入詣僖祖室北向立指笏跪執爵三祭酒
于茅苴奠爵執笏俛伏興出戶外少立次太祝東向指
笏跪讀祝文訖執笏興先詣宣祖室東向立初獻再拜
次詣諸室行禮並如上儀太官令復詣僖祖室酌尊所
引太祝復位初獻將降階登歌樂作降階樂止宮架樂
作復位樂止次引亞獻詣盥洗位北向立指笏盥手俛
手執笏詣爵洗位北向立指笏洗爵拭爵以爵授執事
者執笏升殿詣僖祖室酌尊所西向立宮架作文安之

樂孝熙昭德之舞執事者以爵授亞獻亞獻搢笏跪執
爵執尊者舉筓太官令搢笏跪酌象尊之盞齊訖執笏
興先詣宣祖室酌尊所北向立亞獻以爵授執事者執
笏興入詣僖祖室北向立搢笏跪執事者以爵授亞獻
亞獻執爵三祭酒于茅苴奠爵執笏俛伏興出戶外再
拜訖次詣諸室行禮並如上儀訖樂止降復位文舞退
武舞進宮架正安之樂作舞者立定樂止次引終獻詣
洗及升殿行禮並如亞獻之儀唯宮架作武安之降復
位次引太祝徹籩豆籩豆各一俱登歌恭安之樂作卒
徹樂止次引宮闈令束茅訖俱復位禮直官曰賜胙贊
者承傳曰賜胙再拜在位官皆再拜訖送神宮架興安
之樂作一成止祠祭官於殿上贊奉神主入祔室次引

薦香燈官揖笏奉帝主入祔室執笏退復位次引宮闈
 令奉后主入祔室並如上儀訖退復位祠祭官於殿上
 贊奉神主入祔室訖次引初獻兵部工部尚書亞獻終
 獻詣殿下望瘞位立定有司取幣帛束茅置于坎次引
 監察御史太常卿丞奉禮郎協律郎太祝就望瘞位禮
 直官曰可瘞真土半坎本廟官闈令監視次引初獻已
 下詣東神門外揖位立定禮直官贊禮畢揖訖退御史
 臺閣門太常寺分引文武百僚以次退太官令帥其屬
 徹禮饌次引監察御史詣殿上監視收徹訖還齋所宮
 闈令閤戶訖以降太常藏祝版于匱次光祿卿以胙奉
 進監察御史就位展視光祿卿望闕再拜乃退